



Inatsisartunut ilaasortaq, Peter Olsen
Inuit Ataqatigiit

Pineqartoq: § 37 naapertorlugu apequt nr. 069, 2016

04-03-2016
Sagsnr.: 2016-4458
Dok. nr. 2276637

Asasara Peter Olsen,

Postboks 1029

3900 Nuuk

Tlf: +299 34 50 00

Fax: +299 32 20 73

Email: ikiin@nanoq.gl

www.naalakkersuisut.gl

Kultureqarneq pillugu apequtinnut ulloq 19. februar 2016 nassiunneqartumut
Inatsisartut suleriaasianni § 37 naapertorlugu nassiussannut qujanaq.

1. Naalakkersuisut Eqqumiitsuliornermut piorsarsimassutsimullu periusissaannik sananiarlutik pilersaaruteqarpat?

Eqqumiitsuliornermut kultureqarnermullu periusissiap inatsisini pingasuni nutaani allaaserineqarnissaa Naalakkersuisut toqqarpaat. Ataaseq eqqumiitsuliorneq pillugu, ataaseq kultureqarneq pillugu ataaserlu timersorneq pillugu.

Naalakkersuisut qaffasinnerusumik sinaakkusiipput, kissaatigaluguli eqqumiitsuliornermi kultureqarnermilu atugassiissutit atornissaat aalajangersariigaanngitsumik tunngaveqarnissasut, taamaalliluni ingerlatat assigiinngitsut suut siuarsarneqassanersut politikkikkut aalajangerneqannginniassammata.

Naalakkersuisoqatigiit isumaqatigiissutaanni allaqqavoq Naalakkersuisut isumaqartut 'immikkoortumi suliniutit nutaat sammillugit nassuiaat nutaaq aallartinneqassasoq'. Inatsisit nutaat atuutilersinneqareerpata kingusinnerusukkat taanna suliarineqassaaq, taakkuninnga nalilersuilluni nutaanillu suliniuteqarluni.

2. 2014 maj-imi isumasioqatigiisitsisoqarpoq periusissiornissamik siunertaqartumik. Isumasioqatigiinnermi oqariartuutaasut Naalakkersuisunit atorniarneqarpat?

2014-imi maajimi isumasioqatigiinnermi oqaatigineqartut misilittakkanillu katersuinerit allat Naalakkersuisoqarfiup eqqumiitsuliornermik kulturimillu suliaqarnerani ataatsimut isigalugu ilaasarput.

3. Naalakkersuisut pilersaaruteqarpat eqqumiitsulioriaatsit assigiinngitsut iluini pitsanngorsaataasinnaasunik iliuseqarnissaminnik?

Naalakkersuisut ataatsimut isigalugu isumaqarput eqqumiitsulioriaatsinut assigiinngitsunut atatillugu Nuntasinni periarfissaqarluartoq, inatsisinilu nutaaliorderit siunnersuutigineqartut eqqumiitsulioriaatsit pitsanngortinneqarnerannik kinguneqassapput.

4. Naalakkersuisut pilersaaruteqarpat kulturilerisortatta atugaat pillugit

pitsanngorsaataasinnaasunik iliuseqarnissaminnik?

Eqqumiitsuliorneq pillugu inatsisissatut siunnersuut eqqumiitsuliortutta kissaataat tunngavigalugu suliarineqarpoq, Naalackersuisullu isumaqarput inatsit taakkununga atugassaritineqartunut pitsanngorsaataassasoq.

5. Naalackersuisut eqqumiitsuliortunut kulturilerisunullu maannamut aningaasat atugassiisutigineqartut qaffanneqarnissaannik pilersaaruteqarpat?

Filmiliornermut 2016-imi immikkut aningaasaliissutit millionimik ataatsimik ilaneqarput, tamassumalu saniatigut Nunatta Isiginnaartitsisarfia timersornerlu 2016-imi aningaasanut inatsimmi kontot allat nalinginnaasumik sipaarniarfigineqaraluartut sipaarniarfigineqanngillat.

6. Illoqarfinni kulturikkut illorsuaqanngitsuni Naalackersuisut pilersitsiortornissani qanoq pilersaaruteqarpat?

Taamaallaat Nunatsinni Kulturikkut Illup Katuap Nordisk Ministerådip, Nuup Kommuniata aamma Namminersorlutik Oqartussat ilaatigut aningaasalersuinerisigut pilersinneqartup pilersinneqarnerani Naalackersuisut akuunikuupput. Taamaammat Nunatsinni Kulturikkut Illorsuatut Katuaq nunami tamarmi – nunallu tamat akornanni – aamma pisussaaffeqarpoq.

Sumiiffinni sanaartornerit aallaaviusumik kommunit akisussaaffigaat. Sumiiffinni kulturikkut illut pilersinneqarnissaannik pilersaarutini Namminersorlutik Oqartussat akuunngillat. Danmarkimi 'Lokale- og Anlægsfonden'-imut Namminersorlutik Oqartussat ukiumut 1,3 mio.kr.-nik akiliisarput, tassanilu sulianik ilisimasaqartunit sanaartornermi siunnersorneqarnissamik, taperserneqarnissamik tassanngaaniillu taarsigassarsinissamik qinnuteqarnissamut kommunit periarfissaqarput. Taamaallaat kommunit 'Lokale- og Anlægsfonden'-imut, ilaatigut Nuummi Naluttarfimmu Malik-mut aningaasaleeqataasumut, qinnuteqarsinnaapput.

Inussiarnersumik inuulluaqqusilluta

Nivi Olsen